

գշրջապատ սիււնս 'ի վերուստ մինչ 'ի վայր հասարակ քարիւ
 հաստ շինեցին, զսենեակ Սարկաւազին Հայոց անյայտ արա-
 րին. զտեղիս 'ի նոյն շար կրկին և երեքկին ընդարձակեցին.
 զսենեակ երկրորդ Տեսչին նոյն, որ առ Իւզաբերից սեղա-
 նին. 'ի կամարի սենեկացն Հայոց տեղ առեալ 'ի վայր
 և 'ի վեր պատշգամօք մեծացուցին, և 'ի վիճակէ Ղալթոց
 առեալ Ձ կանգուն լայնեցին զտեղի այլազգի դանապանաց.
 զսենեակն Տեսչին Հայոց հաստ որմովք շինեցին իբրև այր
 քարափոր՝ միին և խոնաւ միով պատուհանաւ, զկրկնա-
 յարկ սենեակս Եղզուպ Աղային՝ որ 'ի վերայ նորա՝ մի յարկ
 արարին միին, զՊատրիարքարանն և զսենեակս վարդա-
 պետաց ոչ շինեցին, զկէս սեղանատան և սրճարանին որ-
 մով որոշեալ խանդարեցին, միայն Ձ փոքրիկ տեղի թողին
 'ի վայր և 'ի վեր առաջի մեծի պատուհանին այլանդակ
 սանդխօք, և 'ի միջոյ սեղանատան և սրճարանի Վ կան-
 գուն առին 'ի կողմն իւրեանց, խանդարեցին զերիս պա-
 տարադամատոյց սեղանս, զառաջին տեղի խորանին Երաչ-
 խաւոր Ս. Աստուածածնի որմով պատեցին 'ի վերուստ
 մինչ 'ի վայր՝ թողեալ դուռն գնալ 'ի սեղանատուն, և և
 առաջի դրան զտեղի խորանին որոշեցին. և 'ի վերայ աս-
 տիճանաց Վերնատան մինչ 'ի սահման ջրմիկն՝ կանանց փոք-
 րիկ վերնատուն յօրինեցին, և այլ ամենայնն նեղ և ան-
 ձուկ, և և զԻւզաբերից սեղանն ոչնչացուցին սեամբ, որոյ
 տեղն այժմ չերեւի, և և զորմն մերձ 'ի սենեակ Տեսչին
 Հայոց՝ յորոյ վերայ է պատկեր Յարութեան՝ կէս կանգուն
 յառաջ բերին, և զերկոսին սենեակսն որ 'ի վերայ կամա-
 րին ոչ շինեցին: Ձտեղիս Լատինաց ըստ առաջնոյն քա-
 րամբք շինեցին, և յետուստ կողմանէ Երզնէնին մինչ 'ի
 սահմանս Յովսէփ Արեմաթացւոյն կրկնայարկ արարին իբր
 տեղի կանանց, և կանանց հին վերնատանն Հայոց կէս բո-
 լորակ շրջանակաւ, որ հայէր 'ի վերայ Գերեզմանին՝ խան-
 դարեցին խաղաւ: Ահա այսպէս իբրու թէ աւարտեցան
 խնդիրք երկց տեղեաց, Մննդեան, Աստուածածնի, և և
 Ս. Յարութեան:

Իսկ այլազգիք Երուսաղէմի բռնացեալ 'ի վերայ Հայոց պա-
 հանջէին տուրս փոխարէն աշխատութեան իւրեանց, որոց
 թէւտեալ և տուեալ էին 'ի սկզբան գործոյն, սակայն այժմ